



إبداعات

بیر مسعود

شعر

وفاء بغدادی

إبداعات

أسبوعية / العدد ٢٠٨



يبر مسعود

شعر / وفاء بقلادي

• تصميم الغلاف : رأفت محي الدين

• لوحة الغلاف للفنان : مصطفى بط

• المراجعة اللغوية : عبد الناصر أحمد

• الطبعة الأولى : يناير ٢٠٠٤

رقم الإيداع : ٢١٣٦٠ / ٢٠٠٤

الترقيم الدولي : I.S.B.N: 977 - 305 - 652 - x

• المراسلات : باسم رئيس التحرير

على العنوان التالي

١٦ أ ش أمين سامي - قصر العيني

رقم بريدى : ١١٥٦١

• الطباعة والتنفيذ : الشركة الدولية للطباعة

المنطقة الصناعية الثانية

قطعة ١٣٩ - شارع ٣٩ - مدينة ٦ أكتوبر

ت : ٨٣٣٨٢٤٠ - ٨٣٣٨٢٤٢ - ٨٣٣٨٢٤٤

e-mail: pic@6oct.ie-eg.com



الهيئة العامة لقصور الثقافة

رئيس مجلس الإدارة
أنس الفقى

أمين عام النشر
محمد السيد عيد

الإشراف العام
فكرى النقاش

الإشراف الفنى
غريب ندا

رئيس التحرير
فؤاد قنديل

سكرتير التحرير
عزت إبراهيم

مدير التحرير
محمود الحلوانى

إليه . .

وحده . .

الله

الذى منحني إياقتي

ومنح أمتي القوة

لتجعل منها

سلما للنجاح

وفاء

مشط

لما تعد سنان المشط
وتثبت عينك على عقرب ساعه
هذه الصمت
لما لسانك يتحرك ع الفاضى
شايل تُقل الحلم هموم
فى محاوله لقتل الوقت
لما تخاف النور اللى يسرق
قلبك من شيش الأوضه

تخاف الناس
وتخاف الأرض
أدخل فيك
فتش بين أبيات الشعر
اللى بترفض توصل للناس
جائز تعرف سر الحزن الدايب
ف الحبر اللى انت بتكتب بيه
واما يقابلك بيت م الشعر

كنت كتبتّه زمان
(زى الحقيقه أنا
دايمًا مابعجيش)
اوهم نفسك إنك لخبطت العد
واحد
اتنين
بس المره دى
وانت بتضحك !
ده لأنك أول واحد
قلت حقيقه نفسك

بأستغفرنى

بأستغفرنى لما افتركتك
وأشوفك
من قلب مسام الحلم دموع
بأستغفرنى
لما قيامه قلبى تقوم
واتحاسب
أختار النار بإرادتى
واستنى تكون لى

برداً وسلاماً
ما تُكُنْشِ !
باستغربي
لما اوهب لك كل بحور الشعر محبه
رغم انك ما قدرتش
توهب لي غير الحزن
باستغربي
لما اقطع كل الأوراق

اللى بتثبت إنك فيّا
واقطع كل أقلام الصبر
اللى بتسكت
وتسكت جرحى
تفضل قدامى الساعه
اللى بجد
واحلم أخنق فيها
كل العمر اللى انا عشته عشانك

باستغبرنى
واستغبرنى واستغبرنى
لكن لما تجينى تبرر جرحك
وتشيل أعمار العالم
فوق أكتافك
مااستغبرش القوه اللى بتتجمع فيا
وتقولك
لأ ..

أيوب

سَرَّحَ شعر عروسة بنته
اللى بيتمنى يجيبيها ..
وبحماس فك التجعيده
وكأنه ييفك السحر الأسود
للحزن المربوط فى رقبتة
ثبتها ..
علمها إن اللى بيضعف

مش ح يخش الجنه
واحكى لها قصه أيوب
علمها إن الصح
إنك تفتح قلبك
من غير مايخبط حد عليه
عرفها إن البنوته الحلوه
اللى ح تلعب بيها
ح تكون مبسوطه

لو حتى انكسرت
وامّا ماجاتش البنت
اللى بتستنى تموت علشانها
فكّت أجزاءها
وحسّت بالراحه
.....
فى الناحيه الثانيه
كان واقف قدام

فاترینه ألعاب
بیدور من تانی
على قلب عروسه
ما يعرفش الیأس

مخلب قط

البنّت زميلتي
اللى بتكره لون بشرتها
بتصر انها ماتحطش
أى كريم .
بالليل . .
لما بتبقى لوحديها
بيخربشها الحلم
يرسم معنى جديد للحزن

ويلخط كل الألوان
والصبح ..
لما الناس تسألها تجاوب :
مخلب قط
مكتب تصريح دفن الموتى
كان كاتب عضه كلب

راجعه

أكيد راجعه

أكيد راجعه

أكيد

وح اطرح من سنين عمرى

سنين سبعة

وح انسى إني جيتك

وننى القلب كان بيتك

ولا عمرك ح تبقى إله

ولا أبداً حاكون رابعه
أكيد راجعه
أكيد زعلانه من قلبى
لإنى عرفت متأخر
وهمت القلب بخدا عك
وطعم الوهم بيخدر
لكن بسهوله صدقنى
لقيت حبك بيتبخر

وطعم الملح فى دموى
بقى أحلى من السكر
وانا اللى كنت يوم منى
حروف شبرى وانا طايحه
أكيد راجعه
دموى اللى انت شايفها
دموع فرحه ماهيش أحزان
غسلت القلب انا منك

وداب الهم فى النسيان
وقلبك . .
اللى كان أكبر من الدنيا
بقى أصغر
وصوتك مهما ينده لى
ها اسد القلب مش سامعه
أكيد راجعه
أكيد راجعه

إشارة

البنّت اللى دموعها
بتشوّش على كل شاشات الذكرى . .
بتاكل منها
بتمد ايديها
وتمسح فى إزاز العربيه
- من جوه -
فى محاوله لتوضيح الرؤيه
متجاهله تماما

إيد الولد اللى بتمد
بيبيع ، آخر علبة مناديل
فى إشارة
وحمرا !

دبـح

مع إنه ما حَسُسْ
إنه دبـحها
ولآخر لحظَةً موت
مانطقش لسانها الآه
مع إنه خَلَّص نفسه من نفسه
باع كل الأحلام المشتركة
البحر
الشعر

الورده
اللى بيتخانقوا عليها
امبارح ..
لما صباعها اتحط
ف دبله غيره
لقيوه قدام البحر ..
ومقتول !

فجر

دائمًا دائمًا
بانكرع الفجر خيوطه
واضحك منه
واضحك مني
لما اضحك على قلبي
وأحكي له حكاية
قبل الموت
.....

اوعى تصدق إن الفجر
لم خيوطه وروّح
ملصومه خيوط الفجر
فى الإبره اللى بتنهش فيك
تغزل فستان
تدخل بيه الجنه
يفرح قلبى ، يصدّق
وينام مبسوط .

.....

الفجر

أسمع صوت الشيخ بيأذن

أحلم أتوضى

وبرغم الطُهر اللى باحسه ف ملح دموى

أرفض

يملانى الخوف

لَيكون مش قد الطُهر اللى ف قلبك

أَتِيَمٌ مِنْ قَلْبِ تَرَابِ الْحَرْفِ
الْمَكْتُوبِ عِ الْحَيْطِ
وَاللّٰى النَّاسَ عَمَّالَهُ بِتَسْأَلِ
عَنْ سِرِّ وَجُودِهِ
وَاللّٰى أَنَا بِأَحْلَفِ
لَازِمٌ بِكَرهِ الصُّبْحِ أَشِيلُهُ
وَأَمَّا يَجِينِي الصُّبْحِ
أَحْلَفُ نَفْسَ الْحَلْفَانِ الْبَاطِلِ

أُتِمِّم وَأُصَلِّي وَأَخْتِمُ جُزْءَ مِنَ الْقُرْآنِ
وَابْعَثْ مَعِ أَوَّلَ خِيْطٍ
لِلْفَجْرِ ثَوَابَهُ
وَاحْلَمْ يَوْصِلُكَ
مَعَ إِنْ النَّاسِ
بِتَقْوَى وَبِتَجَزُّمِ
إِنْ ثَوَابِ الْقُرْآنِ
مَشَى بِرُوحِ
غَيْرِ لَمِيَّتٍ .

هاجر

هاجر بنت اختي
اللى بتشبه قرص الشمس
وعيونها بتشبه أيامي
لما بتحكى
حدوتة الفيل اللى بيكسر قفصه
ويغير من وجباته المعتاده
ياكل مثلاً
لحمه رز

يطلع فوق الشجره
ويصطاد الحلم
.. واللى ف آخر الحدوته
يسقط ويموت
أصرخ مش صح ..
تقول ..
بس انا نفسى ف مره
أشوفك فيل !

بیر مسعود

حبة حلم
شوية ذكرى
بوادر خوف
ومكان ع البحر
واتنين
ياااه . . . تعرف
كان نفسى اعمل منهم قصه
تشبه قصه بير مسعود

.....

.....

حبة بحر

كثير م الذكرى

وكثير م الحاجه الى بتفضل بعد الخوف

ومكان هذوه

ف محاوله لتوسيع الأحران

وبعيد

واقف واحد بيجاول يردم بير مسعود

تفتكروا ح يقدر؟؟

بيتزا

دائمًا بتصر على الساعه هديه
ف كل الأعياد
دائمًا بيحاول يرضيها
عمره ما فكر يسأل ليه ... ؟؟
واشمعنى بتحب تقابله
يوم الجمعة
قدام البحر
ليه بتصر انها تطلب (بيتزا)

مع إنها دائماً بتقول
مش بتحب تاكلها
آخر مره عشان يرتاح
قرر يسألها
وف آخر لحظه
خاف لتجاوب
أهداها « الساعه » .

رغم انى قضيت
كل فروضى تجاهك
وبايعتك
إنما مالحقتهش أركب
قلب سفيتك
وجبال العالم
رفضت تعصمنى
فغرقت

وانا باغرق كان جوابا سؤال
تفتكروا ..
هو اللى استعجل
ولا انا فعلا
اللى اتأخرت؟؟!

عرض

بيألف شعر
وبتكتب قصه
والبحر بمدّه وجزره وموجه وعمقه
المسرح والجمهور
.....

يوم العرض
كان الفارس « بَح »
والمسرح ضلّمه وشُح
فاضطرت تكتب
« تمت »
ف بداية القصه .

وسقطت من الغرفة رقم (٨)

رغم ان ملاية الفرش
الى انا نايمة عليها
ماهيش بيضا
والأوضه بتاعتى
من غير أرقام
واللى بتيجى تشد الصبح من العين
مابتعرفش عيونها تفرّق
بين الأبيض والأسود

(*) الغرفة رقم ٨ الغرفة التى توفى فيها الشاعر / أمل دنقل .

وما فيش جنبي أي ورود
بتموت علشاني
بالرغم ده كله
جوايا حاجات بتقوللي
إني ف نفس الأوضه
وعلى نفس الفرش
ف نمره تمانيه !

حاجه

فيه حاجه ف قلب البحر بتشبه أُمى
فيه حاجه ف أُمى بتفكرنى بنفسى
فيه حاجة ف نفسى بتفكرنى بجرحك
فيه حاجه ف جرحك بتفكرنى
بكل حروف الحزن اللى ف شعرى
فيه حاجه ف شعرى بالقاهها
ف قلب عيون الناس
فيه حاجه ف قلب الناس

بتموت ف البحر
فيه حاجه ف قلب البحر
بتحاول تطلع فوق فوق
فيه حاجه فوق عمّاله بتسقط
قدام عيني
يا خساره
فيه حاجه ف عيني
لسه بتشبه لك !

عم محمد

الى نصيبه من الدنيا
سريه الفاضى
ونضارته الغامقه
الى ..
لما بتسقط آخر عدساتها
بيفتح عينه ف عين الشمس
بالليل ..
بينور كل الأنوار

ويعلى الراديو
وقلبه يشيله
فى جراب أحلامه المخروم
وينام ..

ريجيم

البنّت اللى الناس يقولوا عليها تخينه
طلع الوزن الزايد قلب
القلب اللى أتاكل كله
شايفاه واقف بيدور
على حد جعان
الجوع اللى الناس بتشوفه
فوق أسفلت الشارع
مش هو الجوع اللى ف عين البنّت

آه .. البنت

.....

لما انكسرت منها الدبلة الفضه

سألت قرآن الحته

عندك عيش سن ؟؟؟

(*) العيش السن : يستخدم للريحيم .

ماتفكرش

أحسن لك ما تفكرش
بين الشئ اللى بيربط بينك
والأثر الفاضل
من حركة تقليب الشاى .
بين كل السكك المقفوله
ف فنجان القهوة
والقلب اللى بيكذب
ويكون الفاضل منك

بيت م الشعر
الغرقان فى الحزن
فتلاقى الناس الفرصه
- الناس اللى بتتقد شعرك -
وترجع حزنك
لجهاز تعويض
يخنق رجلك
مع إنك لسه بتتنفس شعر

باربي

قضى حياته
بمحاوّل يعمل عين للصورة
كان نفسه يشوفها
بتضحك مره
وبعديها يموت
حط العين
اللى ف قلب عروسته الباربي
رفضت

حسّت إن عيونها قزاز
شالهم .. حط بدالهم
آخر حبات الشعر
رفضت
فكرها الشعر
بالغنوه اللي زمان مصت عينها
طلع عينه وركبهم
بصت له

مالقتش العين
اللى بتحلم ليها
فماتت
عَلَّقْ نَفْسُهُ ف البرواز الفاضى
واستنى حد يعدى
يغزل فى التجويف العين
اللى تقدر تزرع حب .

مَفْرَج

ما بتعرفش تعوم
والبحر ف عز يناير
مش قادر يكتم أنفاسها
والصياد الواقف آخر الحلم
من غير سناره
بس عجوز البحر
عَمَّال بيقلب ودَعَاتِه
وبيأكد
لسه المَخْرَج موجود

عدسات لاصقه

بيحاول يقتل ف الحشره
الى بتدخل من شباك
أوضة نومه
ويستغرب ويسأل نفسه
من إمتى الشباك موجود ؟!
يرميها بـ « ميت عام م العزله »

(*) مائة عام من العزلة رواية لماركيز

ويقرر يقرأها لما يلاقى الوقت الكافي
وبتصر تعانده
تطير قدومه
فيرميها بأجود أنواع الرش
تتخبط حبه وبسرعه ترجع أقوى
لما تضم قزاز اللببه بلهفه
وتخش النور
ويخش النار
يكسرها
ويحس ان قزازها المكسور
ف عينه
عدسات لاصقه

بتشوف من غير ألوان
تهرب منه
يطلع وف إيده قراره
مش ح يكون طيب
يقتلها
ويحس بضعفه
لما بتسقط بين صفحات
« الحب وحده لا يصنع ربيعاً »

(*) الحب وحده لا يصنع ربيعاً مجموعه قصص مترجمة

كشـف نظـر

- دول كام ؟
- اتنين «
فرحانه
ويخطفها الماضي
من قلب الفرحة
ويرجع بيها
للضحكة المقسومة اتنين
والصوره المقسومه اتنين
يبعد حبه

ويسأل :

- .. كام ؟!

- خمسة

تتصور أول مره تلاحظ فعلا

إن عددهم خمسة

يبعد أكثر .. وتسرح

تتصور كل سنين البعد

مش قادره تنسيها

لحظة موتها
وعينه اللى بتضحك
يمسك إيدها
ويقرب منها . . ومبروك
تمسح عينها كويس
وتقول مش شايفه .

الفهرس

٧	مشط
١١	باستغرينى
١٥	أيوب
١٩	مخلب قط
٢١	راجعه
٢٥	إشاره
٢٧	دبح
٢٩	فجر
٣٥	هاجر
٣٧	بیر مسعود
٣٩	بيتزا
٤١	حيره
٤٢	عرض
٤٥	وسقطت من الغرفة رقم (٨)
٤٧	حاجه
٤٩	عم محمد
٥١	ريجيم
٥٣	مانفكرش
٥٥	باربى
٥٩	مخرج
٦١	عدسات لاصقه
٦٥	كشف نظر

صدر مؤخرًا من هذه السلسلة

- ١٣٧ - ١٤ ج محمد بخيت
 ١٣٨ - أشياء تحدث يوميًا دعاء عبد العزيز
 ١٣٩ - ياعم عبد الله وحيد أمين
 ١٤٠ - أوراك ليست منشقة مسعود حامد
 ١٤١ - صيف المدن أحمد سليمان
 ١٤٢ - أبدية الثلوج الملونة نجلاء محرم
 ١٤٣ - حضن المسك الطاهر شرقاوى
 ١٤٤ - موال الصبر والليل عادل صابر
 ١٤٥ - احتقان ممدوح رزق
 ١٤٦ - لماذا أنت دونهم؟! عاطف محمد عبد المجيد
 ١٤٧ - البحر كالعادة البهاء حسين
 ١٤٨ - جسد بارد بلا تفاصيل أحمد قرنى
 ١٤٩ - مخلوقات الليل حسن عبد العال
 ١٥٠ - ظل العائلة عيد عبد الحليم
 ١٥١ - قف على قبرى محمد داود
 ١٥٢ - المغيب حسين عبد الرحيم
 ١٥٣ - بنت ليل محمد الفخرانى
 ١٥٤ - لكن التراجيديا غلبتني مصطفى عباده
 ١٥٥ - فتنة الرُجاج السيد رشاد
 ١٥٦ - الذبيحة على الفقى
 ١٥٧ - العطش أشرف الصباغ
 ١٥٨ - وشم على ريم الفراغ خالد أمين حجازى
 ١٥٩ - للأحبة أن يموتوا أشرف عويس

- ١٦٠ - لوحذك محمود فهمى
- ١٦١ - امرأة تعزف على الأسلاك حسن غريب أحمد
- ١٦٢ - دوامة بتحدف غرب الكون حامد أنور
- ١٦٣ - مواسم مابعد العشق محمد جاد المولى العمارى
- ١٦٤ - ثقب فى الهواء بطول قامتى محمد أبو زيد
- ١٦٥ - والنار نصر عبد الرحمن
- ١٦٦ - وردة لا تبوح عواطف يونس
- ١٦٧ - بغداد لا أحد جمال عبد المعتمد
- ١٦٨ - الروح تسأم أحياناً محمود أبو عيشة
- ١٦٩ - أول شعره بيضا عصام خيس
- ١٧٠ - اشتعالات الوداع أحمد كمال زكى
- ١٧١ - وردة للخونة محمد عبد النبى
- ١٧٢ - ياقوتة البعث جمال محمود النساج
- ١٧٣ - أوراق من ذاكرة الموج محمد حسين
- ١٧٤ - البنت والأشياء جلاء الطيرى
- ١٧٥ - يادوب تلحق محمود عبد الباسط
- ١٧٦ - ربما كالآخرين أسماء شهاب الدين
- ١٧٧ - مشاهد من دفتر الذاكرة عصام عبد العزيز
- ١٧٨ - إيقاعات مختلفة جداً حمدى إبراهيم محمد
- ١٧٩ - عناقيد سلوى عبد المنعم العقبى
- ١٨٠ - أنا مرة أخرى صلاح عبد العزيز
- ١٨١ - ضد هذى الشوارع عبد الناصر أحمد
- ١٨٢ - القاع متولى الشافعى
- ١٨٣ - المحفوفة بالبرق غادة عبد الفتاح
- ١٨٤ - الألوان المتحدة محمود سليمان

- ١٨٥ - ربيعة زمان مدحت العيسوى
- ١٨٦ - لا دمع يعصم شرقيا إبراهيم سليم
- ١٨٧ - من حوارات البراءة حمدى على الدين
- ١٨٨ - عايز اغنى ناصر محمود
- ١٨٩ - سلفنى روحك يا إبراهيم جمال عدوى
- ١٩٠ - إلى نقطة .. ما أيمن حسين
- ١٩١ - محاولة للانفلات عماد أبو زيد
- ١٩٢ - جسدى الذى هناك سعيد الوكيل
- ١٩٣ - حكايات الأستاذ مصطفى سليمان
- ١٩٤ - عراف الأسفلت خالد بسيونى
- ١٩٥ - ابتسم لى يا محمد محمد جلال سليم
- ١٩٦ - مزيد من الوقت وليد طلعت
- ١٩٧ - من حكايات سنورس أشرف نصر
- ١٩٨ - عمود رخامى فى منتصف الحلبة هانى عبد المريد
- ١٩٩ - ألبوم الأموات أيمن علم الدين
- ٢٠٠ - احتفالية تقليدية للحزن التجريبي أحمد لطفى رشوان
- ٢٠١ - شوارع ليست مدينة لأحد أيمن كيلانى
- ٢٠٢ - بعلم الوصول محمد على عزب
- ٢٠٣ - الموت حليف الأوليا بكرى عبد الحميد
- ٢٠٤ - قاطرة سوداء تدهننا محمود سيف الدين
- ٢٠٥ - رحلة سوسو أحمد شافعى
- ٢٠٦ - الضفة الأخرى محمد علاء الدين
- ٢٠٧ - الولد البهاء رأفت السنوسى
- ٢٠٨ - بير مسعود وفاء بغدادى

الأعداد القادمة

- واحد والمسافات دمی علاء الدين حسنى
- أحلام مؤجلة عهدى جرجس
- شباك متحرك رحاب إبراهيم
- بردًا وسلامًا وفاء صلاح عبد الحليم
- الآخرون محمد المطارقي
- يطهرون حناجرهم فى الهواء ياسر عبده
- قبل النجع السيد العديسى
- فك العمل أيمن حسن
- الأمس الحالم وليد صفاء
- بين الخطوط محمد حامد
- واحد والمسافات دمی علاء الدين حسنى
- منتهى البدء الأخير فاطمة هزاع
- أحلام مؤجلة عهدى جرجس

- * السلسلة غير ملزمة برد أصول الأعمال سواء نشرت أم لم تنشر .
- * ترتيب النشر يخضع لاعتبارات فنية .
- * ترجو سلسلة (إبداعات) الأصدقاء الذين ترد أعمالهم فى قائمة الأعداد القادمة الاتصال بها لمراجعة أعمالهم قبل النشر .
- * كما ترجو الأصدقاء الذين تقدموا بأعمالهم إليها الاتصال بها للتعرف على مواقف أعمالهم وترك بياناتهم كاملة ، لحاجة السلسلة إليها ..